

تحقق مستحيل

اللي ضحوا عشان بلدنا
يستاھلوا كل خير
اللي ضحوا عشان بلدنا
لجل نحقق مستحيل

اللي خرجوا في لحظة واحدة
يطلبوا الحق اللي تار
اللي هتفوا بكلمة واحدة
مصر دايمًا في انتصار

اللي دقوا طبول الحلم
الكلام في الصخر شق

ولعوا في قلوب الظلم
واستخبي في انكسار

العيون اللي بكوا
و القلوب اللي اشتكوا
مين يداوي في يوم حريق
مين خلا الاخرس فصيح
الشهدا اللي ضحوا
لجل الوضع يصبح صحيح

كان أملنا كل شئ
صبرنا كان دافي و برئ
جرح الأمة لمم
بعد ما شفنا همم
و الحياة صبحت جميلة

و لقانا أصبح عيلة
القلوب برضه شاهدة
ع العزة و الوحدة
اللي ضحوا علشان بلدنا
يستاهلوا كل خير
اللي ضحوا علشان بلدنا
لجل ما نحقق مستحيل